

Հավելված  
 ՀՀ փոխվարչապետի 2019 թ.  
 հուլիսի 8 -ի N 429 - Ա  
 որոշման

Ծ Ր Ա Գ Ի Ր  
 «ՎԵՐԱՊԱՏՐԱՍՏՄԱՆ ԴԱՍԸՆԹԱՑՆԵՐԻ ԿԱԶՄԱԿԵՐՊՈՒՄ»

1.	Ծրագրի նպատակը	Ծրագրի նպատակն է Հայաստանի Հանրապետության պաշտպանության նախարարության աշխատակիցների համար կազմակերպել անգլերեն լեզվի դասընթացներ և մարդկային ռեսուրսների կառավարման վերապատրաստման դասընթացներ՝ համաձայնեցված Հայաստանի Հանրապետության պաշտպանության նախարարության կադրերի և ռազմական կրթության վարչության պահանջներին:
2.	Ծրագրի բարեգործական որակման նպատակը	Օրենքով սահմանված կարգով օգտվել ՀՀ հարկերի, տուրքերի և պարտադիր վճարների գծով արտոնություններից:
3.	Բարեգործը	Հայկական բարեգործական ընդհանուր միություն (ՀԲԸՄ), 55 Արևելք, 59-րդ փող. Նյու Յորք, NY 10022-1112
4.	Ծրագիրը կատարողը	Հայկական բարեգործական ընդհանուր միության (ՀԲԸՄ) Հայաստանի ներկայացուցչություն (Հայաստանի Հանրապետություն, ք. Երևան, Բաղրամյան 40, ՀՎՀՀ՝ 00006479)
5.	Ծրագրի իրականացման վայրը և բնագավառը	Հայաստանի Հանրապետություն, ք. Երևան, կրթական
6.	Ծրագրի բյուջեն	10 907 950 դրամ
7.	Բարեգործություն ստացողը	Հայաստանի Հանրապետության պաշտպանության նախարարության կողմից ընտրված մասնակիցներ: Ցանկը հաստատվում է նախարարի կողմից:
8.	Ծրագրի իրականացման տևողությունը	2019 թ. հուլիսի 8-ից մինչև դեկտեմբերի 31-ը
9.	Միջոցառումների նկարագրությունը և ժամկետները, անհրաժեշտ ֆինանսական միջոցների ծավալը	Ծրագրի շրջանակներում Հայաստանի Հանրապետության պաշտպանության նախարարության առնվազն 26 աշխատակիցներ հնարավորություն կունենան մասնակցելու անգլերեն լեզվի կատարելագործման դասընթացներին տարբեր, սակայն ոչ պակաս, քան 3 մակարդակներում, ըստ գիտելիքների ստուգման արդյունքների՝ հաշվի առնելով մասնագիտական առանձնահատկությունները: Յուրաքանչյուր դասընթացի տևողությունը կազմում է 9 շաբաթ, շաբաթական 3 օր՝ յուրաքանչյուր դասընթացը 3 ժամ տևողությամբ: Դասընթացների ընդհանուր բյուջեն կազմում է 9,227,435 (ինը միլիոն երկու հարյուր քսանյոթ հազար չորս հարյուր երեսունհինգ) դրամ՝ առանց ԱԱՀ-ի:

		Նաև 20 աշխատակիցներ կմասնակցեն մարդկային ռեսուրսների կառավարման վերապատրաստման դասընթացներին: Մարդկային ռեսուրսների կառավարման վերապատրաստման դասընթացները ներառելու են ինչպես ընդհանրական, այնպես էլ ուսումնական կառավարման համակարգին հատուկ գիտելիքների դասավանդում՝ համաձայնեցված Հայաստանի Հանրապետության պաշտպանության նախարարության պահանջներին և ներառելով հրավիրյալ դասախոսների: Դասընթացի տևողությունը կազմում է 5 շաբաթ, շաբաթական 2 օր՝ յուրաքանչյուր դասընթացը 2.5 ժամ տևողությամբ: Դասընթացների ընդհանուր բյուջեն կազմում է 1,680,514 (մեկ միլիոն վեց հարյուր ութսուն հազար հինգ հարյուր տասնչորս) դրամ՝ առանց ԱԱՀ-ի:
10.	Ձեռք բերվող (ներմուծվող) ապրանքների ու ծառայությունների համառոտ նկարագիրը, ծավալները և նախատեսվող գինը	Հայաստանի ամերիկյան համալսարանին պատվիրել ներթոգրյալ ծառայությունները, որոնց ընդհանուր արժեքը կազմում է 10 907 950 դրամ՝ առանց ԱԱՀ-ի. - Անգլերեն լեզվի դասընթացների կազմակերպում և անցկացում՝ 9,227,435 (ինը միլիոն երկու հարյուր քսանյոթ հազար չորս հարյուր երեսունհինգ) դրամ՝ առանց ԱԱՀ-ի, - Մարդկային ռեսուրսների կառավարման վերապատրաստման դասընթացների կազմակերպում և անցկացում՝ 1,680,514 (մեկ միլիոն վեց հարյուր ութսուն հազար հինգ հարյուր տասնչորս) դրամ՝ առանց ԱԱՀ-ի:
11.	Ծրագրի իրականացման հետ կապված կազմակերպական ծախսերը	Ծրագրի իրականացման հետ կապված կազմակերպական ծախսեր չեն նախատեսվում:
12.	Համագործակցությունը պետական կառավարման, տեղական ինքնակառավարման մարմինների և այլ մարմինների հետ	Չի նախատեսվում:
13.	Ծրագրի արդյունավետության նկատմամբ վերահսկողության մեխանիզմների նկարագրությունը	Յուրաքանչյուր դասընթացի ավարտին մասնակիցները հանձնելու են գիտելիքի ստուգման թեստեր՝ գնահատելու համար մասնակցի առաջադիմությունը, ինչպես նաև պաշտպանության նախարարության հետ համատեղ մշակված հարցախույզների շնորհիվ գնահատվելու են ծրագրի արդյունքները և ազդեցությունը: Ֆինանսական և նկարագրային հաշվետվություններ են ներկայացվում Հայկական բարեգործական ընդհանուր միության (ՀԲԸՄ) կենտրոնական վարչությանը: ՀՀ կառավարության 2003 թ. հունվարի 16-ի N 66-Ն որոշմամբ հաստատված՝ բարեգործական ծրագրերը բարեգործական որակելու և գրանցելու կարգի 25-րդ կետով սահմանված կարգով:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՓՈԽՎԱՐՉԱՊԵՏ

Տ. ԱՎԻՆՅԱՆ